

Symma Juris Canonici

Comprehensa Tribus Partibus In Qva Distincte Et Succincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

De Personis Ecclesiasticis, Earumque statu, Dignitate, munere, &
Immunitate

Strein, Johann

Coloniæ Agrippinæ, 1658

Titulus XIII. De Rotâ Romanâ.

[urn:nbn:de:hbz:466:1-61816](#)

TITULUS XIII.

De Rotâ Românâ, & Consistorio.

Congregationes quæ à Cardinalibus constituuntur, vel reguntur, proxima dignitate, & auctoritate ROTA sequitur, quæ nihil aliud, quam Senatus, aut Concilium duodecim Prælatis constans, quorum aliqui Itali, & Galli, alii Hispani, & Germani. Quatuor Notarios singuli Auditores habent. Feria secunda, & sexta congregantur, excepto Vacationum tempore. Causæ beneficiorum omnes & profanæ ibi aguntur. Initium vacandi prima Julii hebdomada est. Post ultimam Sessionem in palatio Apostolico Officiales omnes Rotæ à Summo Pontifice ad epulum invitantur. Singulis præterea centum aurei dantur; Decano alterum tantum: qui mos à Clemente VIII. cœpit. Kalendis Octobris ad institutum redeunt, ubi postremi Auditores duo mulis vesti ad Curiam tendunt pluribus equis comitati, eo servato ordine, ut primi Auditores incedant, equites sequantur, idq; propterea, ne cum Cardinalibus eundem statum habere videantur. Cardinales enim postremo loco vehuntur. Officium Auditoris annuè mille scutæ numerat. Postremus Auditorum habita oratione initium dat consiliis, & Congregationi deinceps habenda. Ita Claud. Vaure. Barb. Vot. Decif. II. p. 64. De eodem Senatu agens AZor. II. l. 5. c. 41. Causas inquit ex toto orbe alias Summus Pontifex per viros utriusq;

juris peritos expedire solet: qui quoniam in Capella Pontificia illi assistebant, Cappellani Summi Pontificis olim dicebantur, & Auditores sacri Palatii. Hodie Auditores Rotæ vocantur, quod in orbem sedentes controversias, & causas examinent. In hoc Auditorio cuncta juxta doctrinam, prudentiam, & æquitatem definiuntur. Sunt Auditores duodecim. Ad hunc enim numerum eos Sextus IV. reduxit. Ese Judices delegatos censet Archid. in c. experientia II. q. 1. Bartol. vero habere jurisdictionem ordinariam. I. præcipimus §. 1. C. de appell.

De Consistorio Romano.

PRO Consistorio aulæ duæ sunt in Palatio Apostolico, S. Petri, quarum Prima amplissima, ubi Consistorium publicum habetur, Legati Regum, & Principum excipiuntur. Secunda pro Legatis Principiū est, & rerumpubl. quando gratulaturi Summo Pontifici, vel exhibituri obsequium veniant. Item pro publicatione Cardinalium; pro Legatis Apostolicis quando reversi sunt, pro novis Cardinalibus ad Curiam venientibus. Ibidem causæ aguntur ad Consistorium pertinentes. In fronte thronus eminet quatuor graduum altitudine, ubi scabellū aureo peristromate vestitum. Ad dextrū latus Cardinales episcopi & presbyteri consistunt, ad sinistrā Diaconi. Sedilia circūm circa

circa rubro purpurant. Pontifex ad Consistorium vadit amictu Pontificali, ante illum ciux, & Cardinales. Pontifici postquam de more reverentiam fecere Cardinales, suo quisque loco residet. Archiepiscopi, episcopi, Protonotarij, & Praelati omnes in tribus gradibus solij pontificalis sedent cum Auditoribus Rotæ, clericis Cameræ, & acoluthis cappâ laneâ vestitiis. In imo reliqui aulici, Camerarii, & Secretarii. Ad latus Pontificis nepotes in Consistorio locantur: qui honor aliis quoque magni nominis Principibus defertur. Legatis Regum à dextra locus est: familiaribus Papæ, & nobilibus à sinistra, sed intra solium, & murum. Post Cardinales presbyteros & Diaconos Advocati, Consistoriales locum habent. Post Cardinales Episcopos Procuratores Regum, Principum, & Ordinum cum procuratore fisci, qui inter Procuratores primum locum obtinet. Clerici cæremoniârum ante Cardinales Diaconos iuxta Papam sedent, ut ad mandata prompti sint. Magistri sacri Palatij locus infra Cardinales presbyteros est.

Quando Consistorium habetur pro causis audiendis Advocati proponunt item, & supplicationem suam coniunctione in manus Curialium, qui humi consident: illi de manu in manum promovent, donec ad Vice-Cancellarium ipsum deferatur.

tur. Si quis contradicere supplicantem velit, permittitur: quo facto, siquidem videtur congruum, Pontifex responderet. Placet, absolute, vel limitatione. Eam decisionem recipiens Vice-Cancellarius supplicationem manu propria consignat, & referri in Codicem, seu Registrum mandat.

Consistorium, quod *Secretum* vocant, in aula minus publica celebratur. Sedes Pontificis ibi duobus gradibus altior non est sed libus Cardinalium, quæ aulæis vacua solo colore rubent additis Papæ insignibus. Solius Pontificis aureo peristrosate tegitur. Qui postremo loco inter Cardinales Diaconos sedet, campanula vocat eos, quorum opera necessaria est. Cum nominandi, aut designandi Cardinales, & Praelati sunt, Pontifex mitratus ingreditur, alias in consuetâ togâ & paruo capuccio. Hodie vix unquam cum cappa, & mitrâ appetret, nisi forte post electionem suam. In Consistorium Secretum præter Cardinales nemo admittitur exceptis duobus Secretariis, qui ad portam præstolantur. Causam Pontifex proponit, collectisque Cardinalium suffragiis ex pluralitate definit.

Cland. Vaure. Archontologia Gotofredi

PAG. 27.